

СССР-н Деед Советин депутатирин кандидатир бичдж авлгън

Союзин Советд сунъгългъна 95-ч Халъмгин сунъгъврин округ

Февралин 11-д, элдв ик политическ бѳдмджтӳгъяр, СССР-н Деед Советин депутатирин кандидатир, бичдж авлгън округин сунъгъврин комиссудӳр эклв.

Советин Союзд сунъгългъна 95-ч Халъмгин округин сунъгъврин комиссин заседаньд СССР-н Деед Советин депутатин кандидатд, Халъмгин сунъгъврин округар Элстин ремонтн заводин кѳдлмшчирин, инженерн-техническ кѳдлӳчирин болн церглӳчирин, Приютненск района, Кировин нертӳ колхозин колхозникудин, Красногвардейск района, „Страна Советов“ колхозин колхозникудин болн Апанасенковск района, Дивенск машинн-тракторн станцин кѳдлмшчирин, инженерн-техническ кѳдлӳчирин болн церглӳчирин олна хург темдглсн, КПСС-н Халъмг танъгъчин комитетин негдгч сеглӳтр Николай Игнатъевич Жезловиг бичдж авх токтавр авгдв.

Келн-ӳмтнӳ Советд сунъгългъна 594-ч сунъгъврин округ

Келн-ӳмтнӳ Советд сунъгългъна 594-ч Элстин округин сунъгъврин комиссин заседань болв. Эн заседань деер, СССР-н Деед Советин депутатин кандидатд 594-ч Элстин сунъгъврин округар, Приютненск района, 4-ч совхозин директор Алексей Трофимович Киселевиг бичдж авх токтавр авб.

Келн-ӳмтнӳ Советд сунъгългъна 595-ч сунъгъврин округ

Келн-ӳмтнӳ Советд сунъгългъна 595-ч Западн округин сунъгъврин комисс СССР-н Деед Советин депутатин кандидатд Яшалтинск района Ленинӳ нертӳ колхозин ах укрч Социалистическ Кӳч-кѳлснӳ Герой Яков Андреевич Омельченког 595-ч Западн сунъгъврин округар бичдж авх токтавр авб.

Келн-ӳмтнӳ Советд сунъгългъна 596-ч сунъгъврин округ

СССР-н Деед Советин Келн-ӳмтнӳ Советин депутатин кандидатд 596-ч Черноземельск округар „Лиманный“ совхозин ах хѳбч Шура Дожоновна Кичиковаг бичдж авб.

Келн-ӳмтнӳ Советд сунъгългъна 597-ч сунъгъврин округ

597-ч Целинн сунъгъврин округар СССР-н Деед Советин Келн-ӳмтнӳ Советин депутатин кандидатд кӳч-кѳлсчирин депутатирин Халъмг танъгъчин Советин кӳцӳгч комитетин ахлач Эренджен Агильджанович Сангаевиг 597-ч округин сунъгъврин комисс бичдж авб.

Келн-ӳмтнӳ Советд сунъгългъна 598-ч сунъгъврин округ

СССР-н Деед Советин Келн-ӳмтнӳ Советин депутатин кандидатд 598-ч Сарпинск сунъгъврин округар Халъмг танъгъчин дегтр гаргъдг издательствин директор, бичӳч Лиджи Очирович Инджевиг бичдж авб.

Келн-ӳмтнӳ Советд сунъгългъна 13-ч сунъгъврин округ

Февралин 11-д, Пятигорскд Ставропольск краийн общественность, Дагестанск, Северо-Осетинск, Кабардино-Балкарск болн Чечено-Ингушск АССР-н элчир орлсн СССР-н Деед Советин Келн-ӳмтнӳ Советд сунъгългъна 13-ч округин сунъгъврин комиссин заседань болв. СССР-н Деед Советин Келн-ӳмтнӳ Советин депутатин кандидатд эн округар, КПСС-н Централън Ревизионн Комиссин ахлач Петр Георгиевич Москатов бичгдв.